

ZAPISNIK

sa 02. sastanka Privrednog savjeta Grada Zenice

Sastanak je održan 05.05.2016.godine s početkom u 13.00 sati u Maloj sali Gradske uprave Grada Zenica (II sprat).

Sastanku su prisustvovali (spisak u prilogu zapisnika).

Sastanku nije prisustvovao: Mirsad Čizmo.

Dnevni red:

- Usvajanje Zapisnika sa 01. sastanka Privrednog savjeta Grada Zenice
- 1. Informacija o procesu BFC certifikacije
- 2. Informacija o projektu PRO LOCAL (Njemačko društvo za međunarodnu saradnju – GIZ)
- 3. Informacija o potencijalnom sajmu privrede u Bukureštu 2017.godine
- 4. Strategija razvoja i Revizija strategije razvoja Grada Zenice
- 5. Tekuća pitanja

Ad.*

Jugoslav Anđelić je pozdravio prisutne i dao na usvajanje dnevni red za 02. sastanak Privrednog savjeta Grada Zenica, kao i Zapisnik sa 01. sastanka Privrednog savjeta Grada Zenice.

- **Dnevni red za 02. sastanak Privrednog savjeta Grada Zenice je usvojen jednoglasno.**
- **Zapisnik sa 01. sastanka Privrednog savjeta Grada Zenice je usvojen jednoglasno.**

Ad.1

Amra Mehmedić je predstavila Informacije o procesu BFC certifikacije:

- Dostavljanjem dokazne dokumentacije je započela faze evaluacije.
- Krajem mjeseca maja ili početkom mjeseca juna će biti organizovana dvodnevna evaluaciona posjeta tokom koje će se obaviti razgovori sa rukovodstvom Grada Zenice te predstavnicima lokalne privrede po izboru evaluatorice u vezi s ispunjenjem postavljenih kriterija BFC programa.
- Evaluatorice će u roku od dvije sedmice, nakon posjete, pripremiti predeliminacioni izvještaj s preporukama za unaprjeđenje.

Ad.2

Senad Pašalić je predstavio Informacije o programu PRO LOCAL (Njemačko društvo za međunarodnu saradnju – GIZ)

- Grad Zenica je partner programa PRO LOCAL koji finansiraju Evropska Unija i Federalno ministarstvo za ekonomsku saradnju i razvoj Njemačke.
- Fokus programa su mala i srednja preduzeća iz četiri ključna sektora u BiH (drvno-prerađivački, metalo-prerađivački, poljoprivredni sektor i turizam) u 20 odabranih partnerskih opština/gradova s posebnim fokusom na preduzeća koja su pretrpjela štetu u poplavama 2014. godine.

- Na teritoriji Grada Zenice će saradivati s preduzećima iz drvno-prerađivačkog, metalo-prerađivačkog i poljoprivrednog sektora, odnosno podržati njihovo uključivanje u međunarodne lance vrijednosti.
- Program će promovisati partnersko upravljanje lokalnim ekonomskim razvojem podržavajući dijalog između javnog i privatnog partnerstva.

Ad.3

Amra Mehmedić je predstavila Informacije o potencijalnom sajmu privrede u Bukureštu 2017. godine:

- Sredinom mjeseca aprila je održana prezentacija o mogućnostima poslovne saradnje privrednika u Bosni i Hercegovini s preduzećima u Bukureštu.
- Prezentaciju je održao ambasador BiH u Rumuniji dr. Mile Vasić.
- Na web stranici ambasade: bhambasada.org je moguće izvršiti registraciju preduzeća, za besplatnu promociju na web stranici ambasade.
- Ambasador će u saradnji s Ministarstvom civilnih poslova Bosne i Hercegovine pokušati da organizuje posjetu predstavnika firmi iz Bosne i Hercegovine na privrednom sajmu u Bukureštu.

Ad.4

Hikmeta Selesković je predstavila Informacije o Reviziji strategije razvoja Grada Zenice

- Postojeća Strategija razvoja prema mišljenju evaluatora ima manjkavost, jer ostvareni rezultati ove Strategije nisu mjerljivi. To je glavni razlog zbog kojeg se krenulo u Reviziju strategije i formiran je Tim (sličan ORT-u) koji broji 10-ak članova. Naredni korak kojem će se pristupiti u naredna dva mjeseca jeste formiranje sektorskih grupa u koje će biti uključeni: predstavnici poslodavaca, NVO-a, mladih, itd. Cilj je da se kroz rad sektorskih grupa okupi što veći broj predstavnika poslodavaca, NVO-a, mladih, kako bi se u Reviziju strategije razvoja uključila šira zajednica.

Mladen Perić:

- U Reviziju strategije razvoja u ime poslodavaca su uključene 3 osobe: Senaida Turkić, Mladen Perić i Jusuf Duraković.
- Nova Strategija razvoja treba da odredi smjer u kojem će se razvijati Grad Zenica. Moramo znati kako ćemo Grad razvijati i koje grane privrede želimo da razvijamo. Strategija razvoja treba da bude razvojni plan grada koji treba provoditi, a ne biti mrtvo slovo na papiru.
- Trenutno je u Zenici oko 24.000 zaposlenih i oko 22.000 nezaposlenih prema službenim podacima Službe za zapošljavanje. Tih 22.000 nezaposlenih ljudi treba posmatrati kao razvojnu šansu, a ne kao problem.
- U izradu Strategije razvoja Grada Zenica mora se uključiti što veći broj privrednih subjekata po sektorima. Svaka grana privrede u ovom gradu najbolje će akumulirati svoje zahtjeve i svoju viziju razvoja u ovom gradu. Ne možemo govoriti u ime metalaca i svih drugih grana privrede.

Jugoslav Anđelić:

- U proces Revizije strategije razvoja bit će uključena šira baza iz privrede, NVO-a i mladih. Organizirat će se sektorske grupe, tako da će svaka privredna djelatnost imati mogućnost da se kroz te grupe uključi u izradu Revizije strategije razvoja.

- Službeni podaci sa evidencije Službe za zapošljavanje su nerealni. U brojcima od 22.000 nezaposlenih je i oko 7.000 ljudi koji rade na „crno“, tako da je realna brojka nezaposlenih oko 15.000. Treba uzeti u obzir i činjenicu da u gradu živi i oko 20.000 penzionera.

Senaida Turkić

- Prva grupa u Timu za Reviziju strategije razvoja koja okuplja i privrednike može i zna artikulirati svoje stavove.
- Druga grupa u Timu za Reviziju strategije razvoja koja se bavi pitanjima društvenog razvoja treba da uključuje širu podršku: mladih, ugostitelja i turističkih radnika i osoba iz kulturnog života (slikare, muzičke umjetnike, pozorišne glumce) ovog Grada. U konkretnom slučaju, kada se radi o grupi koja se bavi pitanjima društvenog razvoja, to trenutno nije slučaj. Kroz fokus grupe povećati broj uključenih osoba u reviziju Strategije razvoja iz oblasti društvenog razvoja grada. Uključiti osobe koje mogu i znaju artikulirati zahtjeve u oblasti društvenog razvoja grada.

Senad Pašalić

- GOLD PROJEKAT (SIDA i USAID) podržava izradu Strategije razvoja MSP u lokalnim sredinama i ZEDA može aplicirati na taj projekat za Grad Zenica. Takav projekat bi podrazumijevao formiranje tima koji bi uključivao i akademsku zajednicu grada (Univerzitet i fakultete) i podrazumijevao bi izradu Akcionog plana za zapošljavanje za potrebe privrede.

Mladen Perić

- Revizijom strategije razvoja Grada treba biti obuhvaćeno i pitanje zagrijavanja Grada. Radi se o poslu koji je vrijedan 10-15 mil. KM. Zašto ne ponuditi taj posao i privrednicima iz Zenice? Zašto da se takvi poslovi uvijek nude kompanijama iz inostranstva (Kinezima, Fincima i sl.) kao što je učinjeno i sa čišćenjem Grada (ALBA je njemačka kompanija)?
- Pitanje zagrijavanja Grada je strateško pitanje i zašto ne bilo riješeno javnim natječajem. Postoje 2 esencijalna pitanja u vezi sa zagrijavanjem Grada: koliko košta cijena kilovata i koliki je stepen zagađenja?

Jugoslav Anđelić:

- Postoji još jedan veliki problem u vezi sa zagrijavanjem Grada, a to je zastarjela mreža. Rekonstrukcija mreže je projekat koji košta oko 100 mil KM, a gradska administracija želi da riješi ovo pitanje tako što će svim građanima biti omogućena ugradnja kalorimetara.
- Privrednici će na vrijeme biti upoznati sa rješavanjem pitanja zagrijavanja Grada.

Ad.5

Vukica Marjanović Suljić:

- U Zenici postoji oko 400 nevladinih organizacija. Veliki broj aktivista u ovim organizacijama ne zna da piše projektne prijedloge. To je najvažniji razlog zbog čega se jako mala sredstva dodjeljuju s državnog i federalnog nivoa vlasti organizacijama civilnog društva iz Zenice. Drugi razlog zašto organizacije civilnog društva iz Zenice ne dobijaju značajnija sredstva sa državnog i federalnog nivoa vlasti jeste nedovoljno lobiranje.
- Nevladin sektor ima važnu ulogu u društvenom razvoju i to bi trebalo da bude prepoznato na nivou grada Zenice.
- Neophodno je uspostaviti sistemsko i programsko budžetiranje NVO-a i njihovih projekata na nivou grada Zenice, a ne kao do sada da to bude linijsko budžetiranje.

Senaida Turkić

- Podržava stav da NVO-e i njihovi projekti na nivou grada Zenice trebaju biti programski budžetirani, odnosno da treba podržavati kvalitetne projekte. Da li je moguće dobiti

informaciju iz Gradske uprave koji su projekti i koje organizacije podržani u posljednje 2 godine od strane Grada Zenica?

Jugoslav Anđelić

- Postoje podaci o tome koje organizacije civilnog društva je Grad Zenica budžetirao i koliko i nije problem da se ti podaci dostave članovima Privrednog Savjeta do narednog sastanka.

Sastanak završen u 14.30sati.